

# МАРАФОНЫШ 165 ЕҢ УШНЕН

Унчо кундемыште Сенымаш кечылан пӧлеклалтше марафон шукертсекак ылышыш пурталтын. Теният республике кӱкшытан куржталмашке тӱрлӧ верла гыч 165 еҗ ушнен: Унчо, Морко районысо Кургыйымал, Канторьял, Волаксола да Морко 6-шо №-ан школ, Йошкар-Ола, Руэм, Марий-Турек, Шернур, Куженер, Волжский районла да Торьял районысо Токтарсола гыч.

Старт 9 майыште Унчо селасе администраций воктене 14 шагатлан пуалтын. Участник-влаклан тӱрлӧ дистанцийым темленят: 1 тӱшка- 2,2 км, кокымшо - 6,2, кумшо - 15 км. Куржталмаште кумылан-влак чылан вийыштым терген кертеныт.

Мероприятий таза ылыш-йӱлам ылышыш шындарыме, куштылго атлетикым вияндыме амал дене эртаралтын.

Латвич километр кужытышто куржталмаште абсолютный чемпион лӱмым Руэм



гыч Смоленцев Сергей да ӱдырамаш коклагыч Унчо ял ӱдыр Якимова Зина налыныт.

Унчо школышто тунемше йоча-влак коклагыч Нигамадзянова Ангелина ден Гаврилов Михаил талын куржталмышт дене ойыртмалтыныт.

Уна-влакым концерт программе дене Унчо тӱвыра пӧрт, библиотеке, школ, «Порсын кумыл» студийысе ӱдыр-влак куандареныт.

Эн талын куржталше-влаклан пӧлекым «Мастар Марий» ООО-н гендиректоржо Борис Валерьянович Апакаев ыштен.

Мероприятийым эртарымаште вуйын шогеныт: Унчо селасе администраций, Унчо кыдалаш школ, «Мастар Марий» ООО, «Передовик» СХА.

Тӱн судьян сомылжым Унчо школышто физкультур урокым вӱдышӧ Светлана Даниловна Пайгашевалан ӱшаненыт.

**Лидия ЯМНЕЕВА,**  
Унчо книгагудо вуйлатыше